

T-6

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 162. sjednici, održanoj dana 07.07.2022. godine, d o n o s i

## ZAKLJUČAK

### I.

Prihvata se Mišljenje Ministarstva za prostorno uređenje, promet i komunikacije i zaštitu okoline dato na Nacrt Zakona o izmjenama i dopunama Zakona o zaštiti prirode Federacije BiH, na osnovu akta Stručne službe Skupštine broj: 01-02-8563-1/22 od 27.05.2022. godine, a u vezi sa Zaključkom Doma naroda Parlamenta Federacije Bosne i Hercegovine broj: 02-02-1402/21 od 26.05.2022. godine, koje je sastavni dio ovog zaključka.

### II.

Zaključak sa Mišljenjem Ministarstva za prostorno uređenje, promet i komunikacije i zaštitu okoline broj: 12-19-8563-2/22 od 27.06.2022. godine upućuje se u skupštinsku proceduru.

### III.

Zaključak stupa na snagu danom donošenja.

Broj: 02- 02-19819/22  
Datum, 07.07.2022. godine  
Zenica

DOSTAVLJENO:

1x Ministarstvo za prostorno uređenje,  
promet i komunikacije i zaštitu okoline,  
 Stručna služba Skupštine,  
1x a/a





**Broj: 12-19-8563-2/22**  
**Zenica, 27.06. 2022.godine**

U skladu sa odredbama Poslovnika o radu Vlade Zeničko-dobojskog kantona («Službene novine Zeničko-dobojskog kantona», broj: 5/11), i aktom Skupštine Zeničko-dobojskog kantona broj: 01-02-8563-1/22 od 27.05.2022. godine Ministarstvo za prostorno uređenje, promet i komunikacije i zaštitu okoline daje sljedeće:

## MIŠLJENJE

Aktom Stručne službe Skupštine broj: 01-02-8563-1/22 od 27.05.2022. ovom Ministarstvu je dostavljen Nacrt Zakona o izmjenama i dopunama Zakona o zaštiti prirode Federacije BiH radi davanja mišljenja, a u vezi sa Zaključkom Doma naroda Parlamenta Federacije Bosne i Hercegovine broj: 02-02-1402/21 od 26.05.2022. godine

Nakon provedene analize Nacrta Zakona o izmjenama i dopunama Zakona o zaštiti prirode Federacije BiH, Ministarstvo za prostorno uređenje, promet i komunikacije i zaštitu okoline daje sljedeće mišljenje:

Odredbe postojećeg pravnog okvira koji se odnosi na oblast zaštite prirode u Federaciji BiH zasnovane su na relevantnim zakonskim propisima EU.

Zakon o zaštiti prirode („Službene novine Federacije BiH“, broj 66/13) donešen je s ciljem institucionalnog uređenja oblasti zaštite prirode i izrade podzakonskih propisa te njihovog usklađivanja sa legislativom Evropske unije.

Potreba za izradom Zakona o izmjenama i dopunama Zakona o zaštiti prirode Federacije BiH ukazala se zbog toga što su se u toku implementacije važećeg Zakona o zaštiti prirode („Službene novine Federacije BiH“, broj 66/13) pojavile brojne prepreke u njegovoj provedbi na terenu u smislu njegovih nepreciznih i nedorečenih odredbi, te je ocijenjeno da je potrebno izvršiti odgovarajuće izmjene i dopune Zakona.

Predložene Izmjene i dopune Zakona se odnose na odredbe u kojima postoje nejasnoće u smislu pravilne primjene Zakona u praksi, čijim bi se usvajanjem stvorile pravne pretpostavke za pravilnu i potpunu primjenu Zakona u praksi.

Ovim Izmjenama i dopunama Zakona nije se vršilo usklađivanje sa propisima EU, niti su se izmjene i dopune Zakona odnosile na odredbe kojima su preuzete odredbe direktiva, te se nije smanjivao niti povećavao obim usklađenosti sa propisima EU.

Pored navedenog dostavljamo nekoliko prijedloga, sugestija i primjedbi:

- Primjedba se odnosi na član 47 Zakona o izmjenama i dopunama Zakona o zaštiti prirode, odnosno na dio sadržaja novog Člana 158b stav (1) i stav (2).  
Glavna primjedba na novi Član 158b stav 1 i stav 2 se odnosi na pobrojane stručne spreme na mjesto glavnog nadzornika i na mjesto nadzornika javnog preduzeća ili javne ustanove.



*Handwritten signature*

U konkretnom Članu 158b stav (1) stoji da se na mjesto glavnog nadzornika može zaposliti lice koje ima najmanje visoku stručnu spremu ili visoko obrazovanje prvog ciklusa iz prirodnih, biotehničkih, biomedicinskih, tehničkih ili društvenih područja. To je izuzetno širok dijapazon stručnih zvanja koji nemaju osnovne kompetencije vezano za ovako osjetljivu i specifičnu oblast upravljanja.

Smatramo da osobe koje imaju obrazovanje iz tehničkih, biotehničkih, biomedicinskih i društvenih područja nemaju osnovno, a da ne govorimo o stručnom znanju iz oblasti zaštite biodiverziteta, zaštite genske, genomske raznolikosti, zaštite biljnih i životinjskih vrsta sa posebnim osvrtom na ugrožene, kritično ugrožene i endemične vrste, te zaštite reliktnih i refungijalnih i drugih ekosistema koji su od važnosti za očuvanje cjelokupnog biodiverziteta BiH. Mišljenja smo da se na mjesto glavnog nadzornika treba birati osoba koja ima visoku stručnu spremu isključivo iz područja prirodnih nauka (smjer biologija PMF, Šumarski fakultet i Poljoprivredni fakultet). Ova tri fakulteta prirodnih nauka školuju kadar koji ima sve stručne i neophodne kompetencije iz gore pobrojanih oblasti.

Stoga se predlaže izmjena dijela teksta Člana 158b stav (1) gdje kandidat za poziciju glavnog nadzornika javne ustanove ili javnog preduzeća mora imati najmanje VII stepen visoke stručne spremlje ili visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova, iz područja prirodnih nauka ( Prirodno-matematički fakultet, Šumarski fakultet i Poljoprivredni fakultet).

Primjedba na Član 158b stav (2 ) se također odnosi na posebne uslove koje kandidat mora ispunjavati za mjesto nadzornika javnog preduzeća ili javne ustanove. Smatramo da kandidat za tu poziciju morati imati najmanje VII stepen stručne spremlje, odnosno visokog obrazovanja prvog, drugog ili trećeg cilusa Bolonjskog sistema studiranja koji se vrednuje sa najmanje 180 ECTS bodova, iz područja prirodnih nauka sa najmanje jednom godinom radnog iskustva isključivo u struci.

- U članu 35. Zakona o izmjenama i dopunama Zakona o zaštiti prirode, a koji se odnosi na osnovni člana 144. Zakona o zaštiti prirode, predlaže se da se u stavu (2) osnovnog Zakona briše tačka i dodaju riječi “ili Odlukom kantonalna Vlada”.

- Iza stava (3) člana 144. osnovnog Zakona dodaje se novi stav (4) koji glasi:

“Zaštićene prirodne vrijednosti iz člana 134.stava (1) alineja 3.,4.,5., i 6. može Odlukom proglasiti gradsko ili općinsko vjeće ako se područje prirodne vrijednosti prostire na području jedne općine odnosno grada uz saglasnost Vlade i Skupštine kantona”.

Dosadašnji stavovi (4), (5) i (6) postaju stavovi (5), (6) i (7).

- U istom kontekstu predlaže se izmjena člana 44. Zakona o izmjenama i dopunama Zakona, koji je vezan za član 155. Stav (2) Zakona o zaštiti prirode Federacije BiH na način da se u članu 155. Stav (2) osnovnog Zakona iza riječi “kantona” dodaje riječ: “ ili općinski načelnik” i na kraju teksta tačka se zamjenjuje zarezom i dodaju riječi : “ili općinske službe za upravu nadležne za zaštitu prirode”.

Smatramo da bi predložene izmjene i dopune članova 35. i 44 Zakona o izmjenama i dopunama Zakona, a koje se odnose na izmjene i dopune članova 144. i 155. osnovnog Zakona doprinijele pojednostavljenju cjelokupne zaštite određenih područja i time omogućilo da se ingerencija spomenute zaštite spusti i na nivo jedinica lokalne samouprave, ukoliko postoji interes lokalne zajednice i ako se dobije saglasnost Vlade i Skupštine kantona, što bi u konačnici ubrzalo i pojednostavilo sam postupak proglašenja zaštićenog područja.

*Handwritten signature*

- U vezi sa prijedlogom koji se odnosi na proglašenje zaštićenih područja od strane općinskih i gradskih organa potrebno je iznaći odgovarajuće rješenje za upravljanje zaštićenim područjima od strane lokalne zajednice.

Dostavljeno:  
2 x Stručna služba Vlade kantona  
n/r premijera, n/r sekretara  
1 x a/a

**MINISTAR**

**Arnel Isak**





Broj: 01-02-8563-1/22  
Zenica, 27.05.2022. godine

*Handwritten signatures and numbers:*  
0174  
0284

- ZENIČKO-DOBOJSKI KANTON  
VLADA KANTONA  
- n/r premijera Kantona  
- n/r sekretara Vlade

MINISTARSTVO ZA PROSTORNO UREĐENJE, PROMET I KOMUNIKACIJE  
I ZAŠTITU OKOLINE ZENIČKO-DOBOJSKOG KANTONA  
n/r ministra

**PREDMET: Mišljenje o Nacrtu Zakona o izmjenama i dopunama Zakona o zaštiti prirode – traži se**


U prilogu ovog dopisa, dostavljamo Vam Zaključak Doma naroda Parlamenta Federacije Bosne i Hercegovine, broj: 02-02-1402/21 od 26.5.2022. godine, (sa priloženim Nacrtom Zakona o izmjenama i dopunama Zakona o zaštiti prirode), a koji je zaprimljen na službeni e-mail Skupštine Zeničko-dobojskog kantona dana 27.05.2022. godine, i u čijem stavu 3. je navedeno da se zadužuje Stručna služba Doma naroda Parlamenta Federacije Bosne i Hercegovine da navedeni zaključak i Nacrt Zakona o izmjenama i dopunama Zakona o zaštiti prirode dostavi kantonalnim skupštinama radi davanja mišljenja u roku od 60 dana od dana dostave navedenog zaključka.

U prilogu maila, pored navedenog Zaključka Doma naroda Parlamenta Federacije BiH i Nacrta Zakona o izmjenama i dopunama Zakona o zaštiti prirode dostavljeni su i: Obrazloženje Nacrta Zakona o izmjenama i dopunama Zakona o zaštiti prirode sa Prilogom-Izvještaj o provedenom postupku javnih konsultacija (tabelarni), Odredbe Zakona o zaštiti prirode („Službene novine Federacije BiH“, broj: 66/13) koje se mijenjaju, Kontrolna Izjava o provedenoj procjeni utjecaja propisa Ureda Vlade FBiH za zakonodavstvo i usklađenost sa propisima Evropske unije (Obrazac broj: 2) od 28.05.2021. godine i Zakon o zaštiti prirode objavljen u „Službenim novinama Federacije BiH“, broj: 66/13, te vam sve navedene akte također dostavljamo u prilogu ovog dopisa.

S tim u vezi, a u cilju postupanja po navedenom Zaključku, te mailu Doma naroda Parlamenta FBiH kojim je zatraženo da Skupština Kantona dostavi mišljenje o Nacrtu Zakona o izmjenama i dopunama Zakona o zaštiti prirode. Domu naroda i Federalnom ministarstvu okoliša i turizma u roku od 60 dana od dana prijema tog maila, molimo vas da nam traženo mišljenje dostavite u roku od 35 dana od dana prijema ovog dopisa kojim vam dostavljamo navedeni Nacrt zakona sa svim priložima), a koje bi Skupština Kantona imala u vidu prilikom razmatranja Nacrta navedenog Zakona, te na osnovu kojeg bi mogla utvrditi svoje Mišljenje po istom, a potom ga u ostavljenom roku od 60 dana od dana prijema maila Doma naroda Parlamenta FBiH, (tj. najkasnije do 27.07.2022. godine) proslijediti Domu naroda Parlamenta Federacije BiH i Federalnom ministarstvu okoliša i turizma.

S poštovanjem,

PRILOZI: Kao u dopisu



SEKRETAR

*Arhim Avđagić*

**DOSTAVLJENO:**

1 x Naslovu,

1 x Komisiji za prostorno uređenje, stambeno-komunalnu politiku, infrastrukturu i zaštitu okolice  
Skupštine Kantona/04-01 (skeniran ovaj dopis i Fw meil Doma naroda od 27.05.2022.

godine sa svim priložima)

1 x Svim poslanicima Skupštine Kantona/05-03 (skeniran ovaj dopis i Fw meil Doma naroda od  
27.05.2022. godine sa svim priložima)

1 x Domu naroda Parlamenta FBiH, na znanje/ na e-mail: dom.naroda.pfbih@gmail.com  
(skeniran ovaj dopis i Fw meil Doma naroda od 27.05.2022. godine sa svim priložima)

1 x Federalnom ministarstvu okoliša i turizma, na znanje/na e-mail: fmoit@fmoit.gov.ba  
(skeniran ovaj dopis i Fw meil Doma naroda od 27.05.2022. godine sa svim priložima)

1 x U spis predmeta - „R“/05-02

05-05/27.05.22. 10  
05-05/27.05.22. 10  
05-05/27.05.22. 10

SKUPŠTINA ZENICKO-DOBOJSKI KANTON

Primljeno	27.05.2022	Vrijeme
Org. jeb		
01-02-2563		22

**Skupština Zenicko-dobojskog kantona**

**From:** "Parlament Federacije BiH - Dom naroda" <dom.naroda.pfbih@gmail.com>  
**Date:** petak, 27. maj 2022. 12:33  
**To:** <sekretar@skupstina.ks.gov.ba>; <skupstina@skupstina.ks.gov.ba>; "BOSANSKO PODRINJSKI KANTON GORAŽDE" <skupstina.bpk@hotmail.com>; "HERCEGOVAČKO - NERETVANSKI KANTON" <skupstina@windowlive.com>; "KANTON 10" <skupstina.hbz@gmail.com>; "POSAVSKI KANTON" <strucna.sluzba@skupstinazp.ba>; "SKUPŠTINA KANTONA SARAJEVO" <predsjedavajuci@skupstina.ks.gov.ba>; "SREDNJOBOSANSKI KANTON" <skupstina.sabor@bih.net.ba>; "TUZLANSKI KANTON" <skupstinatk@bih.net.ba>; "UNSKO - SANSKI KANTON" <predsjedavajuci@skupstinausk.ba>; "ZAPADNOHERCEGOVAČKI KANTON" <info@skupstina-zzh.ba>; "ZENIČKO - DOBOJSKI KANTON" <skupstina@zdk.ba>  
**Attach:** 1402-21 Pismo-DN-izm-dop-zastita-prirode.pdf; 14. BOS Nacrt Zakona izmj i dop ZoZP.docx; 14. SRP Nacrt Zakon o izmj. i dopu ZoZP.docx; 14. Hr Nacrt Zakon o izmj i dopn ZoZP.docx; 14. Hr OBRAZLOZENJE.docx; 14. BOS OBRAZLOZENJE.docx; Cl. Zakona koji se mijenjaju\_Bos\_.docx; Cl. Zakona koji se mijenjaju\_Hrv.docx; Izjava o provedenoj procjeni uticaja propisa.pdf; Objavljeni Zakon 66-13.pdf; Cl. Zakona koji se mijenjaju\_Srp.docx; 14. SRP OBRAZLOZENJE.docx; Izvještaj o provedenom postupku.pdf  
**Subject:** Nacrt zakona o izmjenama i dopunama Zakona o zaštiti prirode

Poštovani,

u prilogu Vam dostavljamo:

**Zaključak Doma naroda Parlamenta Federacije BiH o prihvatanju Nacrta zakona o izmjenama i dopunama Zakona o zaštiti prirode i Nacrt zakona o izmjenama i dopunama Zakona o zaštiti prirode**

**Molimo da mišljenje o Nacrtu ovog zakona dostavite Domu naroda Parlamenta Federacije i Federalnom ministarstvu okoliša i turizma u roku od 60 dana od dana prijema ovog maila**



**Stručna služba  
Hamdije Kreševljakovića 3  
web: <https://parlamentfbih.gov.ba/>  
Tel. 033/203-246  
Tel. centrala 033/219 -190**

27.05.2022.



Broj: 02-02-1402/21  
Sarajevo, 26.5.2022. godine

PREDSJEDATELJ  
ZASTUPNIČKOG DOMA  
Mirsad Zaimović

POTPREDSJEDATELJI  
ZASTUPNIČKOG DOMA  
Mladen Bošković

**PREDMET: NACRT ZAKONA O IZMJENAMA I DOPUNAMA ZAKONA O ZAŠTITI  
PRIRODE**


Obavještavam Vas da je Dom naroda Parlamenta Federacije Bosne i Hercegovine na 18. sjednici od 26.5.2022. godine, razmatrao Nacrt zakona o izmjenama i dopunama Zakona o zaštiti prirode, te je usvojio sljedeći

**ZAKLJUČAK**

1. Dom naroda Parlamenta Federacije Bosne i Hercegovine prihvaća Nacrt zakona o izmjenama i dopunama Zakona o zaštiti prirode i smatra da može poslužiti kao temelj za izradu Prijedloga zakona.
2. Zadužuje se predlagatelj da organizira i sprovede javnu raspravu u trajanju od 60 dana sukladno procedurama predviđenim u Ustavu Federacije za donošenje zakona iz zajedničke mjerodavnosti federalne vlasti i kantona.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt zakona o izmjenama i dopunama Zakona o zaštiti prirode dostavi kantonalnim skupštinama radi davanja mišljenja u roku od 60 dana od dana dostave ovog zaključka.
4. Zadužuje se predlagatelj da, prilikom izrade Prijedloga zakona, ima u vidu primjedbe, prijedloge i sugestije iznesene u javnoj raspravi i mišljenja kantonalnih skupština.

Dostavljeno:

- Uredu predsjedatelja Doma naroda
- Potpredsjedateljima Doma naroda
- Tajniku Doma naroda
- Tajniku Zastupničkog doma
- Predsjedniku i dopredsjednicima Federacije BiH
- Premijeru i zamjenicima premijera Vlade Federacije BiH
- Tajniku Vlade Federacije BiH
- Federalnom ministarstvu okoliša i turizma
- Službi Zastupničkog doma
- Službi Doma naroda
- Službi za izradu izvornika Zastupničkog doma
- a/a



22.05.22 ofis kordin 2



**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**NACRT**

**ZAKON  
O IZMJENAMA I DOPUNAMA ZAKONA O ZAŠTITI PRIRODE**

**Sarajevo, juni 2021. godine**

# ZAKON

## O IZMJENAMA I DOPUNAMA ZAKONA O ZAŠTITI PRIRODE

### Član 1.

U Zakonu o zaštiti prirode ("Službene novine Federacije BiH", broj 66/13 - u daljem tekstu: Zakon), u članu 5. stav 1. alineja 1. riječ „održavanje“ zamjenjuje se riječju „očuvanje“.

### Član 2.

(1) U članu 8. stav 1. alineja 8. briše se.

(2) U stavu 2. alineja 14. mijenja se i glasi:

- „**-sigovina**“ predstavlja prirodnu vapnenastu tvorevinu u špiljama i podzemnim šupljinama nastalu izdvajanjem kalcijeva karbonata iz vode koja se cijedi;“

U stavu 4. iza alineje 4. dodaje se sedam novih alineja koje glase:

- „**priroda**“ predstavlja sveukupnu bioraznolikost, pejzažnu raznolikost i georaznolikost;
- „**zaštićene vrste**“ predstavljaju divlje vrste koje su zaštićene međunarodnim ugovorima i/ili ovim zakonom;
- „**tip staništa**“ predstavlja skup ili grupu staništa koja su po svojim biološkim i abiotičkim karakteristikama veoma slična;
- „**mineral**“ predstavlja prirodnu tvorevinu, sastavni dio litosfere, određenog i stalnog hemijskog sastava i fizičkih svojstava koji su stabilni u određenim uslovima pritiska i temperature. Mineralom u smislu ovoga Zakona smatra se i nakupina ili tvorevina minerala. Minerali u smislu ovoga Zakona nisu mineralne sirovine;
- „**nadležna kantonalna tijela**“ predstavlja kantonalna ministarstva nadležna za zaštitu okoliša i zavode za zaštitu prirode, ili ukoliko zavodi nisu uspostavljeni, druge organizacije nadležne za stručne poslove zaštite prirode;
- „**fosili**“ predstavljaju sačuvane cjeline, dijelove, ili tragove izumrlih organizama i njihovih životnih aktivnosti;
- „**sedra**“ predstavlja tvorevinu vapnenca nastalu inkrustacijom (biogenim procesima) algi i mahovina, na brzacima i slapovima tekućica u kršu izdvajanjem ugljikovog dioksida iz kalcijevog hidrogenkarbonata koji taloži kalcijev karbonat.

### Član 3.

U članu 11. stav 2. briše se.

#### **Član 4.**

U članu 17. iza stava 2. dodaje se novi stav 3. koji glasi:

- „(3) Opravdane slučajeve i stručne provjere i rezultate iz stava 1. ovog člana, utvrđuje kantonalni zavod za zaštitu prirode, u skladu sa posebnim propisima kojima se uređuju sredstva za zaštitu bilja.“.

#### **Član 5.**

U članu 19. stav 4. mijenja se i glasi:

- „(4) Provođenje revizije će vršiti Federalno ministarstvo uz stručnu evaluaciju prostora, do uspostavljanja Federalnog zavoda za zaštitu prirode (u daljem tekstu: Federalni zavod).“.

#### **Član 6.**

U članu 26. stav 5. u osmom redu iza riječi „ocjene zahvata“ dodaje se riječ „federalni“.

#### **Član 7.**

U članu 28. stav 8. iza riječi „Popis“ dodaju se riječi „iz Liste ugroženih i značajnih tipova staništa i vrsta.“.

#### **Član 8.**

U članu 30. stav 5. riječi „kategorija I i II“ zamjenjuju se riječima „svih kategorija“.

Iza stava 6. dodaje se novi stav 7. koji glasi:

- „(7) Federalni ministar propisuje kriterije, postupke i način utvrđivanja kompenzacijskih uslova.“.

#### **Član 9.**

U članu 33. u stavu 3. riječ „nadležni“ zamjenjuje se riječju „federalni“.

Stav 7. mijenja se i glasi:

- „(7) Praćenje stanja značajnih i karakterističnih obilježja pejzaža obavlja Federalni zavod u saradnji sa nadležnim kantonalnim tijelima.“.

#### **Član 10.**

U članu 38. iza stava 2. dodaje se novi stav 3., koji glasi:

- „(3) Elaborat sa kartografskim prikazom ugroženih i rijetkih tipova staništa za određeno šumskoprivredno područje izrađuje šumskoprivredno društvo koje upravlja tim područjem godinu dana prije isteka važeće šumskoprivredne osnove.“.

Dosadašnji stav 3. postaje stav 4.

## **Član 11.**

U članu 40. iza stava 1. dodaje se novi stav 2., koji glasi:

- „(2) Postotak zrelih, starih i suhih stabala koja su na Crvenoj listi, posebno stabala sa dupljom u visokim šumama, sa prirodnom obnovom iznosi 0,05 posto stabala po hektaru od ukupnog broja stabla po hektaru za svaku gazdinsku klasu pojedinačno, a u degradiranim i izdanačkim šumama 0,25 posto. Prilikom izrade projekata za izvođenje sječa (izvedbeni projekti), stabla se obilježavaju na terenu i ucrtavaju u karte.“.

Dosadašnji st. 2., 3. i 4. postaju st. 3., 4. i 5.

## **Član 12.**

U članu 49. iza stava 2. dodaje se novi stav 3. koji glasi:

- „(3) Sporazumom iz stava 2. ovog člana utvrđuje se i vremenski period za koji se plaća naknada.“.

Dosadašnji stav 3. postaje stav 4.

## **Član 13.**

U članu 58. iza stava 5. dodaje se novi stav 6., koji glasi:

- „(6) Područja ekološke mreže obuhvaćaju međunarodno značajna područja za ptice i močvarna područja od međunarodne važnosti.“.

## **Član 14.**

U članu 59. stav 1. u četvrtom redu riječ „sataništa“ zamjenjuje se riječju „staništa“.

## **Član 15.**

U članu 65. stav 5. riječ „ministarstva“ zamjenjuje se riječju „tijela“.

## **Član 16.**

U članu 73. stav 3. riječ „pravilnikom“ zamjenjuje se riječju „smjernicama“.

## **Član 17.**

U članu 76. u st. 1. i 4. riječ „nadležnom“ i „nadležno“ zamjenjuje se riječju „Federalnom“ u odgovarajućem padežu.

## **Član 18.**

U član 77. stav 4. riječi „nadležno“ i „nadležnog“ zamjenjuje se riječju „Federalno“ u odgovarajućem padežu.

### **Član 19.**

U članu 84. tačka (e) u petom redu riječi: „nadležnog tijela Federacije BiH“ zamjenjuju se riječima: „Federalnog ministarstva“.

### **Član 20.**

U članu 99. iza stava 4. dodaje se novi stav 5., koji glasi:  
„(5) Izuzetno, ako su određena pitanja iz stava 4. ovog člana, uređena propisom nadležnog organa Bosne i Hercegovine, u odnosu na ta pitanja postupa se prema tom propisu, a na način uređen pravilnikom iz stava 4. ovog člana.“

Dosadašnji st. 5., 6., 7. i 8. postaju st. 6., 7., 8. i 9..

### **Član 21.**

U članu 105. stav 4. u trećem redu iza riječi „trgovine“ dodaje se riječ „Federalni“.

### **Član 22.**

U članu 108. stav 2. riječi: „stručnih podloga koje će raditi“ zamjenjuju se riječima: „podloga koje izrađuje“.

Stav 3. mijenja se i glasi:

„(3) Crvene liste se revidiraju svakih 10 godina, a statusi ugroženosti pojedinih vrsta mogu se revidirati, po potrebi, na osnovu stručnog elaborata. Nakon proteka perioda od pet godina, analizira se status vrsta na Crvenoj listi, te se po potrebi obavlja njihova revizija na način i u postupku kako je to propisano za njihovo donošenje.“

### **Član 23.**

U članu 109. stav 2., u trećem redu, iza riječi „saglasnost“ dodaje se riječ „federalnog“.

### **Član 24.**

U članu 113. stav 2. briše se.

U stavu 4. riječ „organizacija“ zamjenjuje se riječju „stanica“.

U stavu 8. broj 6. zamjenjuje se brojem „7“.

U stavu 9. broj „6“ zamjenjuje se brojem „7“.

Dosadašnji st. 3., 4., 5., 6., 7., 8. i 9. postaju st. 2., 3., 4., 5., 6., 7. i 8.

### **Član 25.**

U članu 115. stav 1. riječi: „na način propisan ovim Zakonom“ zamjenjuje se riječima: „Federalnog ministarstva“.

## **Član 26.**

U članu 118. stav 2. u prvom redu iza riječi „ministar i“ dodaju se riječi „federalni“

## **Član 27.**

Naziv poglavlja VIII. „MINERALI, FOSILI I SIGOVINE“ mijenja se i glasi: „VIII. MINERALI, SEDRA, FOSILI I SIGOVINE“, a u tom poglavlju, u nazivima odjeljaka prvom, drugom i trećem, iza riječi „minerali,“ dodaje se riječ „sedra,“ u odgovarajućem padežu.

## **Član 28.**

Član 125. mijenja se i glasi:

- „(1) Minerali, sedra, fosili i sigovine vlasništvo su Federacije BiH.  
(2) Zabranjeno je uništavati minerale, sedru, fosile i sigovine te oštećivati njihova nalazišta.  
(3) Izuzetno, Federalno ministarstvo će dozvoliti provođenje aktivnih mjera očuvanja i/ili revitalizacije bez kojih bi se promijenile bitne karakteristike područja i/ili bi mogle da izazovu poplavu ili drugu prirodnu nesreću u tom području, ili ako je to u interesu Federacije BiH ili bitno izraženi javni interes, uz izrađen tehnički elaborat usvojen od strane Federalnog ministarstva.“

## **Član 29.**

U članu 126. st. 1. i 2., članu 128. st. 1. i 2., članu 130. st. 1. i 3., članu 132., i članu 157. stav 2., iza riječi „minerala,“ dodaje se riječ „sedra,“ u odgovarajućem padežu.

## **Član 30.**

U članu 127. stav 1. riječi: „nadležnog organa“ zamjenjuju se riječima: „Federalnog ministarstva“.

U st. 1. do 5. iza riječi „minerala“ dodaje se riječ „sedra“ u odgovarajućem padežu.

## **Član 31.**

U članu 129. st. 1., 4. i 6. riječi: „nadležnom“ odnosno „nadležnog“ odnosno „nadležno“ zamjenjuje se riječju „Federalnom“ u odgovarajućem padežu, a u stavu 2. u prvom redu iza riječi „se“ dodaje se riječ „Federalno“.

U st. 1, 2, 4, i 6. iza riječi „minerala“ dodaje se riječ „sedra“ u odgovarajućem padežu.

## **Član 32.**

U članu 130. stav 1. riječi: „nadležnog“ zamjenjuje se riječju „Federalnog“, a u stavu 2. iza riječi „člana“ dodaje se riječ „Federalno“.

U st. 3. i 4. riječ „nadležno“ odnosno „nadležnom“ zamjenjuju se riječju „Federalno“ u odgovarajućem padežu.

### **Član 33.**

Član 131. mijenja se i glasi:

- „(1) Pravno ili fizičko lice koje namjerava uzimati minerale, sedru, fosile ili sigovine iz prirode radi stavljanja u promet, dužno je pribaviti dozvolu Federalnog ministarstva. Dozvola se izdaje rješenjem, na osnovu stručnog elaborata.
- (2) Zahtjev za izdavanje dozvole mora sadržavati podatke o:
- a) lokaciji uzimanja;
  - b) vrsti i količini minerala, sedre, fosila ili sigovine;
  - c) vremenu uzimanja.
- (3) Federalno ministarstvo izdaje dozvolu iz stava (1) ovoga člana ako utvrdi da ovisno o rasprostranjenosti i količini minerala, sedre, fosila ili sigovine uzimanje neće značajnije ugroziti georaznolikost.
- (4) Dozvola iz stava (1) ovoga člana sadrži uvjete zaštite prirode, vrstu i količinu minerala, sedre, fosila ili sigovine iz stava (1) ovog člana, a izdaje se na rok do jedne godine.
- (5) Prilikom prodaje minerala, sedre, fosila ili sigovine, dozvola se uručuje kupcu.
- (6) Pravno ili fizičko lice iz stava (1) ovog člana je dužno voditi evidenciju o stavljanju u promet minerala, sedre, fosila ili sigovina, te evidenciju dostavljati Federalnom ministarstvu.
- (7) Uputstvo o obliku, sadržaju i načinu vođenja evidencije o stavljanju u promet minerala, sedre, fosila ili sigovine donosi Federalni ministar.“.

### **Član 34.**

U članu 133. st. 1. i 3. riječ „nadležnog“ odnosno „nadležno“ zamjenjuje se riječju „Federalnog“ u odgovarajućem padežu.

### **Član 35.**

U članu 144. stav 3. riječi: „zakonodavnih tijela“ zamjenjuju se riječju: „skupština“.  
U stavu 5. u drugom redu, riječ „saglasnost“ zamjenjuje se riječju „mišljenje“.

### **Član 36.**

U članu 145. stav 1. iza alineje 3. dodaje se nova alineja 4. koja glasi:  
„-mjere zaštite iz člana 157. stav 2. ovog Zakona i sankcije za njihovo nepoštivanje;“.  
U stavu 2. na kraju teksta tačka se briše i dodaju riječi: „i prostornim planovima kantona.“.

Stav 3. mijenja se i glasi:

- „(3) Posebnom odlukom Vlade Federacije BiH, odnosno vlade kantona, odredit će se zaštitna zona koja je izvan zaštićene prirodne vrijednosti i propisati mjere zaštite tog područja, na prijedlog Federalnog ili kantonalnog ministarstva u zavisnosti od stepena zaštite.“.

Dosadašnja alineja 4. i 5. postaju alineje 5. i 6.

### **Član 37.**

U članu 147. u stavu 2. riječ „nadležnom“ zamjenjuje se riječima: „u Federalnom i kantonalnom ministarstvu“.

U stavu 3. iza riječi „minerala“ dodaje se riječ „sedre“.

### **Član 38.**

U članu 148. iza stava 4. dodaje se novi stav 5., koji glasi:  
„(5) Kantonalna ministarstva nadležna za zaštitu prirode će dostavljati godišnji izvještaj u bazu podataka za prirodu i informacijski sistem Fondu za zaštitu okoliša do formiranja Federalnog zavoda.“

### **Član 39.**

U članu 150. stav 1. riječ „nadležnog“ zamjenjuje se riječju „kantonalnog“.  
U stavu 3. na kraju teksta tačka se briše i dodaju riječi: „iz člana 147. ovog zakona.“.

### **Član 40.**

U članu 151. u stavu 1. iza riječi „mineralima“ dodaje se riječ „sedrama“.  
U stavu 3. riječ „vlade“ zamjenjuje se riječju „skupštine“.

### **Član 41.**

U članu 152. stav 3. iza riječi „Javno preduzeće“ dodaju se riječi „i javna ustanova“, a riječ „može“ zamjenjuje se riječju „mogu“.

### **Član 42.**

U članu 153. stav 1. alineja druga, iza riječi „BiH“, dodaju se riječi „u skladu sa Zakonom o Fondu za zaštitu okoliša Federacije BiH (“Službene novine Federacije BiH”, broj: 33/03)“.

### **Član 43.**

U članu 154. stav 2. riječi „nadležno predstavničko tijelo“ zamjenjuju se riječima „Parlament Federacije BiH, odnosno skupština kantona, svaki u okviru svoje nadležnosti“.

### **Član 44.**

U članu 155. iza stava 5. dodaje se novi stav 6. koji glasi:  
„(6) Novi plan upravljanja iz stava 1. ovog člana, donosi se najkasnije 30 dana prije isteka važnosti postojećeg plana.“.



#### **Član 45.**

U članu 156. stav 1. tačka b) iza alineje 4. dodaje se nova alineja 5. koja glasi:  
„- razvoj i redovno sprovođenje obrazovnih aktivnosti prilagođenih različitim grupama (svakodnevni posjetitelji, škole u prirodi, ekskurzije, naučna istraživanja i sl.);“

Dosadašnje alineje 5., 6., 7. i 8. postaju alineje 6., 7., 8. i 9.

Iza stava 3. dodaje se novi stav 4. koji glasi:

„(4) Godišnji program iz stava 2. ovog člana donosi nadležni organ javnog preduzeća i javne ustanove iz člana 151. ovog zakona, uz pribavljenu saglasnost Federalnog ministarstva, odnosno kantonalnog ministarstva, ako se odnosi na kanton.“

#### **Član 46.**

U članu 158. stav 1. u trećem redu iza riječi „vrijednosti“ stavlja se tačka, a ostali tekst briše se.

Stav 2. mijenja se i glasi:

„(2) Pravilnik iz stava 1. ovog člana donosi nadležni organ javnog preduzeća ili javne ustanove određen statutom ili drugim općim aktom preduzeća, odnosno ustanove, uz prethodno pribavljenu saglasnost Federalnog ili kantonalnog ministra.“

Stav 4. mijenja se i glasi:

„(4) Vlada Federacije BiH na prijedlog Federalnog ministra donosi propis kojim se uređuje organizacija, način rada i ovlaštenja nadzorničke službe zaštite prirode.“

#### **Član 47.**

Iza člana 158. dodaju se novi čl. 158a., 158b. i 158c., koji glase:

##### **„Član 158a.**

(1) Na radno mjesto glavnog nadzornika i nadzornika u javnom preduzeću i javnoj ustanovi iz člana 158. stav 3. ovog zakona, može se postaviti lice koje ispunjava opće uslove iz ove odredbe i posebne uslove utvrđene u članu 158b. ovog zakona.

(2) Opći uslovi su:

- a) da je državljanin Bosne i Hercegovine;
- b) da je starije od 18 godina;
- c) da je zdravstveno sposobno za vršenje poslova predviđenih za to radno mjesto;
- d) da u posljednjoj jednoj godini od dana objavljivanja upražnjenog radnog mjesta nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini.

##### **Član 158b.**

(1) Za glavnog nadzornika u javnom preduzeću ili javnoj ustanovi može se zaposliti lice koje ima najmanje visoku stručnu spremu ili visoko obrazovanje prvog ciklusa (koji se

vrednuje sa 240 ECTS bodova) iz prirodnih, biotehničkih, biomedicinskih, tehničkih ili društvenih područja, s najmanje četiri godine radnog iskustva u struci nakon sticanja VSS-a, te da ima položen stručni ispit.

(2) Za nadzornika u javnom preduzeću ili ustanovi iz stava 1. ovog člana, može se zaposliti lice koje ima najmanje srednju stručnu spremu četvrtog stepena, sa najmanje šest mjeseci radnog iskustva, te da ima položen stručni ispit.

(3) Glavnog nadzornika i nadzornika zapošljava nadležni organ javne ustanove ili javnog preduzeća koja upravlja zaštićenim područjem na osnovu provedenog javnog natječaja.

(4) Uvjete, program, način polaganja stručnog ispita i izdavanja uvjerenja o položenom stručnom ispitu iz st. 1. i 2. ovog člana propisuje Federalni ministar pravilnikom.

(5) Obaveza polaganja stručnog ispita odnosi se i na lica koja se na dan stupanja na snagu ovog zakona zateknu na radnom mjestu glavnog nadzornika i nadzornika u preduzeću i ustanovi iz stava 1. ovog člana.

(6) Lica iz stava 5. ovog člana dužna su položiti stručni ispit u roku od jedne godine od dana stupanja na snagu pravilnika iz stava 4. ovog člana.

#### 158c.

(1) Glavni nadzornik i nadzornik imaju službenu legitimaciju kojom dokazuju svoj službeni status.

(2) Sadržaj, oblik, način nošenja i izdavanja službene legitimacije, propisuje pravilnikom Federalni ministar.

(3) Za vrijeme službe, glavni nadzornik i nadzornik nose službenu odjeću, znak zaštite prirode i znak zaštićenog područja koje čuva u skladu sa zakonom.

(4) Izgled uniforme, boja, sadržaj odjevnih predmeta i način nošenja propisuje pravilnikom Federalni ministar.“

#### Član 48.

U članu 159. stav 2. riječi: „daje nadležno ministarstvo“ zamjenjuju se riječima: „Ia, Ib i II daje Federalno ministarstvo“.

U stavu 3. riječi: „nadležni kantonalni organ“ zamjenjuje se riječima „nadležno kantonalno ministarstvo“.

#### Član 49.

U članu 162. stav 2. riječ „pravilnikom“ zamjenjuje se riječju „ugovorom“.

#### Član 50.

U članu 164. stav 5. riječ: „nadležno ministarstvo“ zamjenjuju se riječima „Federalno ministarstvo“.

## Član 51.

U članu 166. stav 1. na kraju teksta tačka se zamjenjuje zarezom i dodaju riječi: „odnosno nadležnom organu kantona određen zakonom kantona“.

U stavu 3. iza riječi „kantona“ stavlja se zarez i dodaju se riječi: „odnosno nadležni organ kantona određen zakonom kantona“.

U stavu 5. iza riječi „kantona“ stavlja se zarez i dodaju se riječi: „odnosno nadležni organ kantona određen zakonom kantona.“

U stavu 6. iza riječi „kantona“ stavlja se zarez i dodaju se riječi: „odnosno nadležni organ kantona određen zakonom kantona“.

## Član 52.

Iza člana 166. dodaje se novi član 166a. koji glasi:

### „Član 166a.

(1) Vlasnik nekretnine iz člana 166. ovog zakona, ponudu za prodaju nekretnine na propisanom obrascu podnosi Vladi Federacije BiH, odnosno vladi kantona ili drugom nadležnom organu kantona preko upravitelja zaštićenog područja.

(2) Vlasnik nekretnine dužan je uz ponudu iz stava 1. ovog člana, dostaviti sljedeću dokumentaciju:

- fotokopiju lične karte vlasnika;
- dokaz o vlasništvu na nekretnini (zemljišnoknjižni izvadak ili za područja na kojima nije uspostavljena ili je uništena zemljišna knjiga posjedovni list), u originalu ili ovjerenoj fotokopiju koji nije stariji od 15 dana od dana podnošenja ponude;
- identifikaciju nekretnine i izvod iz važeće prostorno-planske dokumentacije iz kojeg je vidljivo da se nekretnina nalazi u obuhvatu zaštićenog područja i kopiju katastarskog plana iz kojeg je vidljiv položaj nekretnine u odnosu na zaštićeno područje.

(3) Upravitelj zaštićenog područja dužan je osigurati da se ponuda za prodaju nekretnine podnese na propisanom obrascu i da je dostavljena dokumentacija iz stava 2. ovog člana. Tu ponudu sa dokumentacijom i svojim mišljenjem o ponuđenoj ponudi, upravitelj zaštićenog područja dostavlja Vladi Federacije BiH, odnosno nadležnom organu kantona.

(4) Federalni ministar propisuje obrazac ponude iz stava 1. ovog člana i njen sadržaj koja se može prezentirati u digitalnoj formi na web stranici ili na neki drugi način biti dostupna ponuđačima nekretnina, i način dostavljanja ponude upravitelju zaštićenog područja i Vladi Federacije BiH, odnosno nadležnom organu kantona.

(5) Ponudu za prodaju nekretnine, po ovlaštenju vlasnika nekretnine, može podnijeti punomoćnik, koji mora imati pismenu punomoć ovjerenu kod notara ili nadležne službe jedinice lokalne samouprave.“

### **Član 53.**

U članu 169. stav 1. riječi: „nadležnom ministarstvu“ zamjenjuju se riječima: „Federalnom ministarstvu, za nekretnine iz stava 2. tog člana, a za nekretnine iz stava 3. tog člana, zahtjev se podnosi nadležnom kantonalnom ministarstvu“.

### **Član 54.**

U članu 170. stav 2., u drugom redu riječ „zakonom“ zamjenjuje se riječima: „Zakon o eksproprijaciji (“Službene novine Federacije BiH”, br. 70/2007, 36/2010, 25/2012, 8/2015 - odluka US i 34/2016)“.

U stavu 5. na kraju teksta tačka se briše i dodaju riječi: „a vrši se u skladu sa Zakonom o eksproprijaciji.“.

U stavu 6. iza riječi: „nadležnog organa“ zamjenjuju se riječima: „Federalnog, odnosno kantonalnog ministarstva, što se određuje prema stavu 3. ovog člana“, a riječi „zakonom koji uređuje izvlaštenje“ zamjenjuju se riječima „Zakonom o eksproprijaciji“.

### **Član 55.**

U članu 171. stav 1. riječi: „predstavničko tijelo“ zamjenjuju se riječima: „Parlament Federacije BiH“.

U stavu 2. iza riječi „kantona“ stavlja se zarez i dodaju riječi „odnosno nadležni organ kantona određen zakonom kantona“.

Stav 3. briše se.

### **Član 56.**

U članu 174. stav 1. u drugom redu, riječ „dužna“ zamjenjuje se riječju „dužno“.

### **Član 57.**

U članu 175. stavu 1., druga rečenica mijenja se i glasi: „Federalnom, odnosno kantonalnom ministarstvu će se dostaviti izvještaj o stepenu provođenja plana upravljanja zaštićene vrste/podvrste na koju se odnosi ta šteta uz izvještaj stručnog savjeta za zaštitu i dobrobit životinja u skladu sa Zakonom o dobrobiti životinja BiH.“

U st. 2. riječi: „nadležno ministarstvo“ zamjenjuju se riječima: „Federalno, odnosno kantonalno ministarstvo“.

### **Član 58.**

U članu 182. stavu 5. iza riječi „nadležno“ dodaje se riječ „kantonalno“, a na kraju teksta dodaje se druga rečenica koja glasi: „Uslovi zaštite prirode sastavni su dio i ugovora o koncesiji, koji se utvrđuju za period ne duži od dvije godine i koji se obnavljaju podnošenjem zahtjeva za revidiranje uslova zaštite prirode.“.

Iza stava 5. dodaje se novi stav 6. koji glasi:

„(6) Koncesionar je dužan provoditi uslove zaštite prirode i poduzimati mjere zaštite zaštićenog područja, odnosno speleološkog objekta, na način i pod uvjetima utvrđenim ugovorom o koncesiji i ovim Zakonom i na osnovu njega donesenim propisima.“

Dosadašnji stav 6. postaje stav 7.

#### **Član 59.**

U članu 186. st. 1. i 3. riječi: „predstavničko tijelo“ i „predstavničkom tijelu“ zamjenjuju se riječima: „Parlament Federacije BiH“ u odgovarajućem padežu.

#### **Član 60.**

U član 187. na kraju teksta iza riječi „prirode“ tačka se briše i dodaje riječ „kantona“.

#### **Član 61.**

U članu 189. stav 1. riječi u zagradi „(u daljnjem tekstu: Federalni zavod)“ brišu se.

Stav 2. mijenja se i glasi:

„(2) Federalni zavod je samostalna federalna upravna organizacija, koja djeluje kao federalna javna ustanova u skladu sa propisima koji reguliraju rad ustanova, ako ovim Zakonom nije drugačije utvrđeno.“

Iza stava 2. dodaju se novi st. (3), (4), (5), (6) i (7) koji glase:

„(3) Federalni zavod je pravno lice sa pravima, obavezama i odgovornostima utvrđenim ovim Zakonom, drugim zakonima i statutom zavoda.

(4) Federalni zavod je neprofitno pravno lice koji svoju djelatnost obavlja kao javnu službu.

(5) Zavod posluje putem svog transakcijskog računa za obavljanje djelatnosti.

(6) Federalni zavod upisuje se u sudski registar.

(7) Rad Federalnog zavoda je javan. Zavod o svom radu obavještava javnost pravovremeno i istinito na način određen statutom zavoda.“

#### **Član 62.**

U članu 190. iza stava 1. dodaje se novi stav 2., koji glasi:

„(2) Fond za zaštitu okoliša Federacije BiH formira i vodi bazu podataka i informacioni sistem iz stava 1. alineja 1. i 5. ovog člana, do osnivanja Federalnog zavoda.“

Dosadašnji st. 2., 3., 4. i 5. postaju st. 3., 4., 5. i 6.

#### **Član 63.**

U članu 192. stav 3. na kraju teksta tačka se briše i dodaju riječi: „u pitanjima koja se po ovom Zakonu nalaze u nadležnosti kantona.“

#### **Član 64.**

U članu 196. stav 2. iza riječi „minerala,“ dodaje se riječ „sedre,“ a iza riječi: „Federalnog“ stavlja se tačka, a ostatak rečenice briše se.

U stavu 3. riječi: „ili nadležno“ brišu se.

#### **Član 65.**

U članu 197. st. 1. i 2. riječ „Zavod“ zamjenjuje se riječima „Federalni zavod“.

Iza stava 2. dodaje se novi st. 3. i 4., koji glase:

- „(3) Fond za zaštitu okoliša Federacije BiH formira informacijski sistem i vodi bazu podataka biološke i pejzažne raznolikosti uz kvartalno izvještavanje Federalnog ministarstva o provedenim aktivnostima, do uspostavljanja Federalnog zavoda.
- (4) Federalni ministar će provedbenim propisom detaljno utvrditi način uspostavljanja, upravljanja i monitoring vezan za informacijski sistem za zaštitu prirode.“

#### **Član 66.**

Iza člana 211. dodaje se novi član 211a., koji glasi:

##### **„Član 211a.**

- (1) Federalni inspektor, pored inspekcije zaštićenih područja iz člana 211. stav 1. ovog zakona, koja spadaju u nadležnost federalne inspekcije, vrši inspekcijski nadzor i za druga pitanja koja su ovim zakonom stavljena u nadležnost Federacije BiH.
- (2) Kantonalni inspektor, pored inspekcije zaštićenih područja iz člana 211. stav 1. ovog zakona, koja spadaju u nadležnost kantonalnog organa za inspekcijske poslove, vrši inspekcijski nadzor i za druga pitanja koja su ovim zakonom stavljena u nadležnosti kantona, kao i pitanja koja su po ovom zakonu u nadležnosti jedinica lokalne samouprave.“

#### **Član 67.**

U članu 213. stav 1. mijenja se i glasi:

„Inspekcijske poslove zaštite prirode može obavljati lice koje ima visoku školsku spremu iz područja prirodnih nauka ili visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa obrazovanja po Bolonjskom sistemu studiranja, položen stručni ispit predviđen za državne službenike za rad u organima uprave u Federaciji BiH, s najmanje tri odnosno pet godina radnog staža u struci nakon završene visoke školske spreme.“

#### **Član 68.**

U članu 216. stav 1. riječi: „nadležni inspektor“ zamjenjuju se riječima: „Federalni inspektor i kantonalni inspektor za zaštitu prirode (u daljem tekstu: nadležni inspektor)“.

## **Član 69.**

U članu 219. stav 1. na kraju teksta alineje 13. interpunkcijski znak tačka, zamjenjuje se interpunkcijskim znakom tačka-zarez, i dodaje nova alineja 14., koja glasi: „-provedbu uslova zaštite prirode koji su sastavni dio ugovora o koncesiji.“.

## **Član 70.**

U članu 224. na kraju teksta tačka se zamjenjuje zarezom i dodaju riječi: „a kantonalni inspektor izdavanje prekršajnog naloga vrši prema odgovarajućim odredbama kantonalnog zakona o inspekcijama kantona, ako federalnim zakonom o inspekcijama nije drugačije određeno.“.

## **Član 71.**

U članu 232. stav 1. brojevi „500 KM do „1500 KM“ zamjenjuje se brojevima „2000 KM do 5000 KM“, a brojevi „5000 KM do 15000 KM“ zamjenjuju se brojevima: „10000 KM do 70000 KM“.

U stavu 1. iza alineje 1. dodaje se nova alineja 2. koja glasi: „- na zaštićenom području vrši prenamjenu zemljišta koje nije u skladu sa dokumentima prostornog uređenja (čl. 15.);“.

U alinejama 62., 63., 64. i 65. iza riječi „minerale“ stavlja se zarez i dodaju riječi „sedre, sigovine“.

U alineji 69. u zagradi broj „3“ zamjenjuje se brojem „6“.

U stavu 2. brojevi: „500 KM do 3000 KM“ zamjenjuju se brojevima „1000 KM do 10000 KM“.

Dosadašnje alineje 1. do 70. postaju alineje 2. do 71.

## **Član 72.**

U članu 233. stav 1. brojevi „300 KM do 1200 KM“ zamjenjuju se brojevima „600 KM do 3000 KM“, a brojevi „1500 do 10000 KM“ zamjenjuju se brojevima „5000 KM do 30000 KM“.

U alinejama 10., 11. i 12. iza riječi „minerala“ stavlja se zarez i dodaju riječi: „sedre, sigovine“.

U stavu 2. brojevi „300 KM do 2000 KM“ zamjenjuju se brojevima „600 KM do 5000 KM“.

## **Član 73.**

U članu 234. stav 1. brojevi „100 KM do 1000 KM“ zamjenjuju se brojevima „300 KM do 3000 KM“, a brojevi „1000 do 7000 KM“ zamjenjuju se brojevima „2000 KM do 20000 KM“.

U alinejama 7., 8., 9., 10., 11., 12., 15., 16., 17., 18. i 19. iza riječi „minerala“ stavlja se zarez i dodaju riječi: „sedra, sigovina“ u odgovarajućem padežu.

U stavu 2. brojevi „150 KM do 1500 KM“ zamjenjuju se brojevima „300 KM do 4000 KM“.

#### **Član 74.**

U članu 235. stav 1. brojevi „50 KM do 500 KM“ zamjenjuju se brojevima „100 KM do 1000 KM“, a brojevi „500 KM do 5000 KM“ zamjenjuju se brojevima „1000 KM do 10000 KM“.

U alineji 2., iza riječi „minerala“ stavlja se zarez i dodaju riječi: „sedre, sigovine“.

U stavu 2. brojevi „150 KM do 1000 KM“ zamjenjuju se brojevima „300 KM do 2000 KM“.

#### **Član 75.**

U članu 239. stav 1. riječ „tri“ zamjenjuje se riječju „pet“.

U stavu 2. na kraju teksta tačka se briše i dodaju riječi: „s tim da se svake pete godine, a po potrebi i ranije, vrši njeno revidiranje“.

Stav 3. briše se.

#### **Član 76.**

U članu 241. iza stava 1. dodaje se novi stav 2., koji glasi:

„Nakon proteka vremena od 10 godina implementacije plana upravljanja iz stava 1. ovog člana, ne mogu se više donositi privremene upravljačke smjernice.“

#### **Član 77.**

U članu 243. stav 1. briše se.

U stavu 2., rok od tri godine produžava se do kraja 2024. godine računajući od dana stupanja na snagu ovog zakona.

U stavu 3. iza riječi „turizma“ dodaju se riječi: „i Fond za zaštitu okoliša, u skladu sa odlukama i zaključcima Vlade Federacije BiH“.

Dosadašnji stav 2. postaje stav 1.

#### **Član 78.**

U članu 244. stav 1. broj „3“ zamjenjuje se brojem „5“.

#### **Član 79.**

Ovaj zakon stupa na snagu osmog dana od dana objavljivanja u „Službenim novinama Federacije BiH“.



